



**ЎЗБЕКИСТОН RESPUBLIKASI MOLIYA VAZIRLIGI
ЎЗБЕКИСТОН RESPUBLIKASI IQTISODIЁT VAZIRLIGI
ЎЗБЕКИСТОН RESPUBLIKASI DAVLAT SOLIQ QўMITASINING
QARORI**

Савдо фаолиятини амалга оширувчи якка тартибдаги тадбиркорларнинг даромадларини ва товар операцияларини ҳисобга олиш тартиби тўғрисидаги низомни тасдиқлаш ҳақида

Ўзбекистон Республикасининг Солиқ кодекси ва Ўзбекистон Республикаси Вазирлар Маҳкамасининг 2002 йил 26 ноябрдаги 407-сон “Юридик ва жисмоний шахсларни рўйхатдан ўтказишни ҳамда улар томонидан савдо фаолияти амалга оширилишини тартибга солиш чора-тадбирлари тўғрисида”ги қарорига мувофиқ Ўзбекистон Республикаси Молия вазирлиги, Иқтисодиёт вазирлиги, Давлат солиқ қўмитаси **қарор қилади:**

1. Савдо фаолиятини амалга оширувчи якка тартибдаги тадбиркорларнинг даромадларини ва товар операцияларини ҳисобга олиш тартиби тўғрисидаги низом 1-иловага мувофиқ тасдиқлансин.
2. Айрим идоравий норматив-ҳуқуқий ҳужжатлар 2-иловага мувофиқ ўз кучини йўқотган деб топилсин.
3. Мазкур қарор расмий эълон қилинган кундан эътиборан кучга киради.

Молия вазири

Тошкент ш.,
2017 йил “27” ноябрь,
165 -сон



Б. Ходжаев

Иқтисодиёт вазири

Тошкент ш.,
2017 йил “27” ноябрь,
151 -сон



Г. Саидова

Давлат солиқ қўмитаси раиси

Тошкент ш.,
2017 йил “27” ноябрь,
2017-68 -сон



Б. Парпиев

Ўзбекистон Республикаси
Молия вазирлиги, Иқтисодиёт вазирлиги
ва Давлат солиқ қўмитасининг
2017 йил 27 ноябрдаги
165, 151 ва 2017-68-сон қарорига
1-ИЛОВА

**Савдо фаолиятини амалга оширувчи якка тартибдаги
тадбиркорларнинг даромадларини ва товар операцияларини
ҳисобга олиш тартиби тўғрисида
НИЗОМ**

Мазкур Низом Ўзбекистон Республикасининг Солиқ кодекси ва Ўзбекистон Республикаси Вазирлар Маҳкамасининг 2002 йил 26 ноябрдаги 407-сон “Юридик ва жисмоний шахсларни рўйхатдан ўтказишни ҳамда улар томонидан савдо фаолияти амалга оширилишини тартибга солиш чора-тадбирлари тўғрисида”ги қарорига мувофиқ юридик шахсни ташкил этмасдан чакана савдо фаолиятини амалга оширадиган якка тартибдаги тадбиркорларнинг (бундан буён матнда якка тартибдаги тадбиркорлар деб юритилади) даромадларини ва товар операцияларини ҳисобга олиш тартибини белгилайди.

1-боб. Умумий қоидалар

1. Якка тартибдаги тадбиркорлар томонидан чакана савдо мазкур Низомга, шунингдек Ўзбекистон Республикасининг бошқа норматив-ҳуқуқий ҳужжатларига мувофиқ амалга оширилади.

2. Импорт товарлари савдосини амалга оширувчи якка тартибдаги тадбиркор тижорат фаолияти учун мўлжалланган товарларни олиб келувчи якка тартибдаги тадбиркор сифатида белгиланган тартибда рўйхатдан ўтказилган бўлиши керак.

**2-боб. Якка тартибдаги тадбиркорлар учун даромадларни
ва товар операцияларини ҳисобга олиш регистрлари**

3. Чакана савдо фаолиятини амалга оширадиган якка тартибдаги тадбиркорлар даромадлар ва амалга оширилган товар операциялари ҳисобини даромадларни ва товар операцияларини ҳисобга олиш регистрларида юритишлари шарт.

4. Қуйидагилар даромадларни ва товар операцияларини ҳисобга олиш регистрлари ҳисобланади:

чакана савдо фаолияти билан шуғулланувчи якка тартибдаги тадбиркорнинг даромадларни ва товар операцияларини ҳисобга олиш дафтари (бундан буён матнда Ҳисоб дафтари деб юритилади);

Товар чеклари дафтари.

Ҳисоб дафтари ва Товар чеклари дафтари шакллари Ўзбекистон Республикаси Молия вазирлиги ва Давлат солиқ қўмитасининг 2013 йил 4 мартдаги 23, 2013-8-сон “Солиқ ҳисоботининг шакллари тасдиқлаш тўғрисида”ги қарорининг (рўйхат рақами 2439, 2013 йил 22 март) 15-илоvasи билан тасдиқланган.

5. Даромадларни ва товар операцияларини ҳисобга олиш регистрлари якка тартибдаги тадбиркор рўйхатдан ўтказилган жойдаги давлат солиқ хизмати органлари

томонидан рўйхатдан ўтказилади (бундан буён матнда солиқ органи деб юритилади). Бунда якка тартибдаги тадбиркор солиқ органига мазкур Низомнинг иловасига мувофиқ шаклда ариза тақдим этиши керак.

Аризага даромадларни ва товар операцияларини ҳисобга олиш регистрлари илова қилинади.

6. Солиқ органи рўйхатдан ўтказишни асослантирилган ҳолда рад этади ёки якка тартибдаги тадбиркорга у шахсни тасдиқловчи ҳужжат кўрсатган ҳолда тилхат билан:

ҳужжатлар олинган пайтдан бошлаб уч иш куни мобайнида – Ҳисоб дафтари;ни;

ҳужжатлар олинган пайтдан бошлаб бир иш куни мобайнида – Товар чеклари дафтари тақдим этади.

7. Янги Даромадларни ва товар операцияларини ҳисобга олиш регистрлари фақат якка тартибдаги тадбиркор томонидан аввал рўйхатдан ўтказилган регистрни тақдим этилганидан кейингина рўйхатдан ўтказилади. Солиқ органи регистрларни рўйхатдан ўтказиш журналига тегишли белги қўяди, аввалги регистрнинг бўш устунлари, сатрлари ва варақлари устидан чизади ва янги регистрни рўйхатдан ўтказиши.

8. Ҳисоб дафтари ва Товар чеклари дафтари солиқ органи муҳри билан тасдиқланади.

9. Даромадларни ва товар операцияларини ҳисобга олиш регистрларида барча кўрсаткичлар тузатиш ва қисқартиришларсиз шарикли ручкада (ҳаворанг, бинафша ёки қора рангда) тўлдирилади. Нотўғри маълумотларга эга ёзувлар бузилган ҳисобланади ва устидан чизилади ҳамда якка тартибдаги тадбиркорнинг имзоси билан тасдиқланади.

10. Даромадларни ва товар операцияларини ҳисобга олиш регистрлари охириги ёзув киритилган пайтдан бошлаб беш йил мобайнида якка тартибдаги тадбиркорда сақланади ҳамда рақамланиши, ип билан тикилиши ва солиқ органи муҳри билан тасдиқланиши керак.

3-боб. Якка тартибдаги тадбиркорлар томонидан даромадларни ва товар операцияларини ҳисобини юритиш

11. Ўз фаолиятининг хусусиятига кўра аҳоли билан пулли ҳисоб-китобларни назорат-касса машиналарини қўлламадан амалга ошириши мумкин бўлган якка тартибдаги тадбиркорлар Товар чеклари дафтари юритишлари шарт.

12. Ҳисоб дафтаридаги ёзувлар уларни тўғрилигини тасдиқлаш учун Ҳисоб дафтари билан бирга сақланадиган ҳужжатлар асосида юритилади.

13. Қуйидагилар юридик шахслар – ишлаб чиқарувчилар ёки улгуржи савдо билан шуғулланадиган юридик шахслардан харид қилинган товарларни сотиш чоғида товарларни харид қилиш манбаини тасдиқлайдиган ҳужжатлар бўлиб ҳисобланади:

шартнома;

агар шартномада олдиндан тўла ёки қисман ҳақ тўлаш назарда тутилган бўлса, етказиб берилган товарлар учун ҳақ тўлангани тўғрисида тўлов топшириқномасининг нусхаси. Агар шартномада олдиндан ҳақ тўлаш назарда тутилмаган бўлса, сотиш пайтида тўлов топшириқномасининг нусхаси талаб қилинмайди, лекин етказиб берилган товарлар учун ҳақ тўланганидан кейин, товарларни харид қилиш манбаини тасдиқлайдиган ҳужжатлар билан бирга, белгиланган муддат мобайнида якка тартибдаги тадбиркорда сақланади;

товарлар олинганлигини тасдиқловчи ҳужжат.

14. Товарлар сотилаётганида якка тартибдаги тадбиркор, қонун ҳужжатларида белгиланган ҳолларда, сотилаётган товарнинг мувофиқлик сертификатига эга бўлиши шарт.

15. Бошқа якка тартибдаги тадбиркорлар томонидан ишлаб чиқарилган товарлар сотилиши чоғида қуйидагилар товарларни харид қилиш манбаини тасдиқлайдиган ҳужжатлар бўлиб ҳисобланади:

якка тартибдаги тадбиркор – ишлаб чиқарувчи билан тузилган шартнома;

агар шартномада олдиндан тўла ёки қисман ҳақ тўлаш назарда тутилган бўлса, етказиб берилган товарлар учун ҳақ тўлангани тўғрисида тўлов топшириқномасининг нусхаси. Агар шартномада олдиндан ҳақ тўлаш назарда тутилмаса, сотиш пайтида тўлов топшириқномасининг нусхаси талаб қилинмайди, лекин етказиб берилган товарлар учун ҳақ тўланганидан кейин якка тартибдаги тадбиркорда белгиланган муддат мобайнида товарларни харид қилиш манбаини тасдиқлайдиган ҳужжатлар билан бирга сақланади;

товарлар олинганлигини тасдиқловчи ҳужжат.

16. Қуйидагилар товарлар сотилганлигини тасдиқлайдиган ҳужжат бўлиб ҳисобланади:

назорат-касса машинаси умумий кўрсаткичи (“Z” ҳисоботи) – назорат-касса машинаси қўлланилиши билан товарлар сотилганда;

банк пластик карточкаларидан фойдаланган ҳолда тўловлар қабул қилиш бўйича ҳисоб-китоб терминаллари чеклари нусхалари – ҳисоб-китоб терминали қўлланилганда;

Товар чеклари дафтари – товар чеки берилганда.

17. Ҳисоб дафтарига қуйидаги ёзувлар киритилади:

товарлар реқвизитлари тўғрисида (товар номи, товар манбаини тасдиқлайдиган ҳужжат, кирим ҳужжати, тўлов ҳужжати, товар коди, ўлчов бирлиги, харид нархи, божхона расмийлаштируви бўйича харажатлар, бошқа харажатлар, миқдори, ўртача нарх товарни сотиб олиш бўйича харажатларни ҳисобга олган ҳолда) – улар турғун савдо шохобчаси ҳудудида жойлаштирилганидан кейин дарҳол. Бунда товар коддини тадбиркорнинг ўзи Ҳисоб дафтари доирасида такрорланмайдиган қилиб эркин равишда белгилайди;

“Ой” ва “Ой бошидаги қолдиқ” устунлари – ҳар ой савдо бошланишигача;

“Сотилди”, “Кун охиридаги қолдиқ”, “Харажатлар” ва “Даромад” устунлари – ҳар ой савдо куни охирида.

Бунда:

“Бошқа харажатлар” сатрида товарни харид қилиш билан боғлиқ харажатларгина кўрсатилади;

“Харид қилиш харажатларини ҳисобга олган ҳолда ўртача нарх” сатрида “харид нархи”, “божхона расмийлаштируви харажатлари” ва “бошқа харажатлар” сатрлари суммасини “миқдор” сатрига бўлиш йўли билан ҳисоб-китоб қилинади;

бир кунда сотилган товарлар суммаси назорат касса машинаси кўрсаткичи билан мос тушиши керак (“Z” ҳисоботи) ва (ёки) банк пластик карточкаларидан фойдаланган ҳолда тўловлар қабул қилиш бўйича ҳисоб-китоб терминаллари чеклари ёки ёзилган товар чеклари суммаси билан;

“Ой бошидаги қолдиқ” устунини бундан олдинги ой “Ой охиридаги қолдиқ” устунини билан мос келиши керак;

“Харажатлар” устунини тегишли ойда “Харид харажатларини ҳисобга олган ҳолдаги ўртача нарх” сатри кўрсаткичинини ушбу ойда сотилган товар миқдорига (“Сотилди: миқдор” устунини) кўпайтириш йўли билан ҳисоб-китоб қилинади;

“Даромад” устуни “Сотилди: сумма” ва “Харажатлар” устунлар ўртасидаги фарк сифатида белгиланади.

18. Ҳисоб дафтари жадваллари товарларнинг ҳар бир гуруҳига алоҳида тўлдирилади.

19. Товарларни ҳар бир харидорга сотиш Товар чеклари дафтарида алоҳида варағида акс этирилади. Товар чеки икки нусхада тўлдирилади, бир нусхаси қирқиб олинади ва харидорга берилади, бошқаси Товар чеклари дафтарида тикилган ҳолда қолади. Бунда харидорга бериладиган товар чекидаги барча ёзувлар, Товар чеклари дафтарида тикилган товар чеки билан айнан бир хил бўлиши керак.

20. Товар чеки рақами босмаҳона усулида қўйилади. Товар чеклари дафтарида чек рақамлари қатъий изчил бўлиши керак. Харидорга бериладиган товар чеки рақамлари ва Товар чеклари дафтарида тикилган товар чеки билан айнан бир хил бўлиши керак.

21. Товар чекига қуйидаги ёзувлар киритилади:

сотувчининг СТИР, Ф.И.О. ва имзоси – дафтари солиқ органида рўйхатдан ўтказиш учун тақдим этишгача барча варақларда яқка тартибдаги тадбиркор томонидан мустақил равишда;

қолган ёзувлар – товар чеки харидорга берилишигача сотиш пайтида.

22. Товар чеклари дафтарида варақлари тўлдирилганда:

“Товар номи (коди)” устунида Ҳисоб дафтари бўйича товар коди ёки товарнинг қисқа номи акс этирилади;

бир харидорга сотиладиган ҳар бир товар алоҳида сатрда акс этирилади. Агар битта харидорга сотиладиган товарларнинг барча номини Товар чеклари дафтарида бир варағида акс этириш мумкин бўлмаса, битта харидорга сотиш бир неча варақларда расмийлаштирилади ва унга биттадан кўп товар чеки берилади;

Товар чеклари дафтари варағининг тўлдирилмаган сатрлари чизиб қўйилади;

нарх, миқдор ва сумма тўғрисидаги маълумотлар рақамлар билан киритилади;

нарх ва сумма тўғрисидаги маълумотлар сўмларда кўрсатилади.

23. Сотиш айланмаси ҳажми анча бўлганда, яқка тартибдаги тадбиркорнинг аризасига биноан, товар чеклари дафтари илгари берилган дафтар тугашига қадар рўйхатдан ўтказилиши мумкин. Бунда илгари солиқ органида рўйхатдан ўтказилган, яқунланган дафтари тақдим этмасдан туриб фақат битта Товар чеклари дафтари рўйхатдан ўтказишга рухсат берилади.

4-боб. Ҳисоботни тақдим этиш

24. Яқка тартибдаги тадбиркор фаолияти тўғрисидаги ҳисоботлар солиқ бўйича ҳисобга олиш жойидаги давлат солиқ хизмати органларига:

савдо фаолиятини амалга оширувчи яқка тартибдаги тадбиркорлар томонидан, бундан тижорат фаолияти учун мўлжалланган товарлар олиб кирадиган яқка тартибдаги тадбиркорлар мустасно, – йилнинг ҳар бир чораги яқунлари бўйича ҳисобот чорагидан кейинги ойнинг 10-кунидан кечиктирмай;

тижорат фаолияти учун мўлжалланган товарларни олиб кирадиган яқка тартибдаги тадбиркорлар томонидан – ҳар ойнинг яқунлари бўйича ҳисобот ойдан кейинги ойнинг 10-кунидан кечиктирмай тақдим этилади.

Ҳисобот шакллари Ўзбекистон Республикаси Молия вазирлиги ва Давлат солиқ қўмитасининг 2013 йил 4 мартдаги 23, 2013-8-сон “Солиқ ҳисоботининг шакллари тасдиқлаш тўғрисида”ги қарорининг (рўйхат рақами 2439, 2013 йил 22 март) 15-илоvasи билан тасдиқланган.

5-боб. Яқуний қоидалар

25. Мазкур Низомни бузганлик учун яқка тартибдаги тадбиркорлар Ўзбекистон Республикасининг амалдаги қонун ҳужжатларига мувофиқ жавоб берадилар.

26. Мазкур Низомга риоя қилиниши устидан назоратни давлат солиқ хизмати органлари амалга оширади.

27. Мазкур Низом Ўзбекистон Республикаси Савдо-саноат палатаси билан келишилган.

Савдо-саноат палатаси раиси

2017 йил "27" ноябрь



А. Икрамов

Савдо фаолиятини амалга оширувчи якка тартибдаги
тадбиркорларнинг даромадларини ва товар операцияларини
ҳисобга олиш тартиби тўғрисидаги низомга
ИЛОВА

_____ туман (шаҳар) ДСИ бошлиғи
_____ га
(Ф.И.О.)
якка тартибдаги тадбиркор _____ дан
(Ф.И.О.)

АРИЗА

Сиздан _____
(даромадларни ва товар операцияларини ҳисобга олиш регистри номи)
юридик шахс бўлмаган чакана савдо фаолиятини юритиш учун _____ да (орқали)
_____ (фаолиятни амалга ошириш жойи, номи ва манзили)
рўйхатдан ўтказишингизни сўрайман.

Ўзим ҳақида маълумот:

1. СТИР _____
2. Давлат рўйхатидан ўтказилганлиги тўғрисидаги гувоҳнома:
Рўйхатдан ўтказилган сана ва рақам _____ № _____
_____ томонидан берилган.

(берган ташкилот номи)
Амал қилиш муддати 20__ й. “__” _____

3. шахсни тасдиқловчи хужжат: серия рақам
берилган Ким томонидан берилган _____

4. Уй манзили _____

5. Почта индекси _____ Телефон _____

20__ й. “__” _____
(тўлдирилган сана)

_____ (якка тартибдаги тадбиркор имзоси)

20__ й. “__” _____
(ариза қабул қилинган сана)

_____ (ДСИнинг жавобгар ходими имзоси)

Ўзбекистон Республикаси
Молия вазирлиги, Иқтисодиёт вазирлиги
ва Давлат солиқ қўмитасининг
2017 йил 27 ноябрдаги
165, 151 ва 2017-68-сон қарорига
2-ИЛОВА

**Ўз кучини йўқотган деб топилаётган
идоравий норматив-ҳуқуқий ҳужжатлар
РЎЙҲАТИ**

1. Ўзбекистон Республикаси Молия вазирлиги, Макроиқтисодиёт ва статистика вазирлиги ва Давлат солиқ қўмитасининг 2002 йил 20 декабрдаги 139, 2-0-9/26 ва 2002-92-сон “Савдо фаолиятини амалга оширувчи якка тартибдаги тадбиркорлар томонидан товар операциялари ва даромадларни ҳисобга олиш тартиби тўғрисида низомни тасдиқлаш ҳақида”ги қарори (рўйхат рақами 1197, 2003 йил 8 январь) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2003 й., 1-2-сон).

2. Ўзбекистон Республикаси Молия вазирлиги, Давлат солиқ қўмитаси ва Давлат статистика қўмитасининг 2004 йил 11 ноябрдаги 123, 2004-60 ва 10-сон “Савдо фаолиятини амалга оширувчи якка тартибдаги тадбиркорлар томонидан товар операцияларини ва даромадларни ҳисобга олиш тартиби тўғрисидаги низомга ўзгартириш ва қўшимчалар киритиш ҳақида”ги қарори (рўйхат рақами 1197-1, 2004 йил 22 ноябрь) (Ўзбекистон Республикаси қонун ҳужжатлари тўплами, 2004 й., 47-сон, 488-модда.).

3. Ўзбекистон Республикаси Молия вазирлиги, Иқтисодиёт вазирлиги ва Давлат солиқ қўмитасининг 2006 йил 29 сентябрдаги 84, 10 ва 2006-41-сон “Савдо фаолиятини амалга оширувчи якка тартибдаги тадбиркорлар томонидан товар операциялари ва даромадларни ҳисобга олиш тартиби тўғрисидаги низомга қўшимча киритиш ҳақида”ги қарори (рўйхат рақами 1197-2, 2007 йил 13 март) (Ўзбекистон Республикаси қонун ҳужжатлари тўплами, 2007 й., 11-сон, 103-модда.).